


## OKRUŽNA TUŽILAŠTVA REPUBLIKE SRPSKE

U Republici Srpskoj osnovano je pet okružnih tužilaštava od kojih četiri imaju podružne kancelarije. U okružnim tužilaštvima, rad se organizuje kroz odjeljenja za privredni i organizirani kriminal, ratne zločine, opći kriminal, kao i odjeljenja za maloljetnike.

Okružna tužilaštva osnovana su za područja okužnih sudova u Republici Srpskoj, a postupaju pred osnovim i okružnim sudovima u Republici Srpskoj.

## SPECIJALNO TUŽILAŠTVO

U Okružnom tužilaštvu Banja Luka osnovano je Posebno tužilaštvo za suzbijanje organiziranog i najtežih oblika privrednog kriminala - Specijalno tužilaštvo koje ima nadležnost za cijelu teritoriju Republike Srpske. U obavljanju svojih funkcija ovo tužilaštvo postupa pred Posebnim odjeljenjem za organizirani kriminal i najteže oblike privrednog kriminala Okružnog suda u Banjoj Luci i pred Posebnim vijećem za organizirani i najteže oblike privrednog kriminala pred Vrhovnim sudom Republike Srpske.




Ova publikacija realizirana je u okviru projekta „Podrška pravosuđu u Bosni i Hercegovini – Jačanje tužilačkih kapaciteta u sistemu krivičnog pravosuđa“ Visokog sudskog i tužilačkog vijeća Bosne i Hercegovine, uz podršku Vlade Švicarske, posredstvom Švicarske agencije za razvoj i saradnju (SDC)



# TUŽILAČKI SISTEM U BOSNI I HERCEGOVINI


## TUŽILAČKI SISTEM U BOSNI I HERCEGOVINI

Tužilaštva su samostalna državna tijela koja se bave otkrivanjem i gonjenjem počinitelja krivičnih djela. U okviru svojih nadležnosti tužilaštva štite vladavinu zakona, ostvarivanje ljudskih prava i građanskih sloboda koje građanima i pravnim licima garantiraju ustavi i zakoni u Bosni i Hercegovini. U svome radu tužilaštva su nezavisna od zakonodavne i izvršne vlasti. Tužilački sistem u BiH čine:



## TUŽILAŠTVO BOSNE I HERCEGOVINE

Tužilaštvo Bosne i Hercegovine počelo je sa radom u januaru 2003. godine, kao tužilačka institucija na državnom nivou, nadležna za provodenje istrage za krivična djela za koja je nadležan Sud Bosne i Hercegovine, te za gonjenje počinitelja pred Sudom Bosne i Hercegovine. Tužilaštvo BiH radi na temelju Zakona o Tužilaštvu BiH, a u skladu sa Zakonom o krivičnom postupku BiH, Krivičnim zakonom BiH i drugim primjenjivim zakonima. U Tužilaštvu BiH, Odjel I procesuiraju najteže predmete krivičnih djela ratnih zločina, Odjel II procesuiraju organizirani kriminal, teške oblike privrednog kriminala i korupciju, dok Odjel III procesuiraju sva ostala krivična djela propisana Krivičnim zakonom BiH (pranje novca, poreze, autorska prava i dr.).



## TUŽILAŠTVO BRČKO DISTRIKTA BOSNE I HERCEGOVINE

Tužilaštvo Brčko Distrikta BiH, kao samostalna i nezavisna pravosudna institucija Brčko Distrikta, djeluje na osnovu Zakona o Tužilaštvu Brčko Distrikta BiH, a u skladu sa Ustavom i zakonima BiH, Statutom i zakonima Brčko Distrikta i drugim primjenjivim propisima i internim dokumentima. Ovo tužilaštvo preduzima propisane mjere i radnje u otkrivanju i gonjenju počinitelja krivičnih djela koja su pod nadležnošću sudova Brčko Distrikta i vrši druge funkcije, koje općenito čine mandat tužilačkog sistema u BiH.

Tužilaštvo je organizirano u niže organizacione jedinice (odsjeke) specijalizirane za rješavanje predmeta općeg kriminala, ratnih zločina, privrednog, finansijskog i organiziranog kriminala.




## FEDERALNO TUŽILAŠTVO FEDERACIJE BOSNE I HERCEGOVINE

Federalno tužilaštvo Federacije Bosne i Hercegovine osnovano je za cijelu teritoriju Federacije Bosne i Hercegovine i može da postupa pred svim sudovima u Federaciji. U ostvarivanju svojih funkcija Federalno tužilaštvo postupa u žalbenim postupcima pred Vrhovnim sudom Federacije BiH, te učestvuje u postupcima po vanrednom pravnom lijeku (ponavljanje krivičnog postupka). Federalno tužilaštvo nadzire rad kantonalnih tužilaštava, u kom smislu glavni federalni tužilac može donositi opća ili pojedinačna obavezna uputstva, kao što može sprovesti istrage i preduzimati gonjenje pred općinskim i kantonalnim sudovima u FBiH. Osim toga ovo tužilaštvo odlučuje o prenošenju mjesne nadležnosti i rješava sukobe nadležnosti između kantonalnih tužilaštava, te obavlja druge poslove utvrđene Zakonom o Federalnom tužilaštvu Federacije BiH i drugim zakonima.

## KANTONALNA TUŽILAŠTVA U FEDERACIJI BOSNE I HERCEGOVINE

U Federaciji BiH osnovano je deset kantonalnih tužilaštava. U dva kantonalna tužilaštva uspostavljena su područna tužilaštva. Organizacijske jedinice tužilaštava su odjeljenja ili odjeli sa odsjecima,

koji se bave krivičnim djelima općeg kriminala, privrednog i organiziranog kriminala, ratnih zločina, kao i krivičnim djelima učinjenim od strane maloljetnih osoba. Kantonalna tužilaštva osnovana su za područja kantonalnih sudova u FBiH, a postupaju pred općinskim i kantonalnim sudovima u FBiH



## REPUBLICKO TUŽILAŠTVO REPUBLIKE SRPSKE

Republičko tužilaštvo osnovano je za cijelu teritoriju Republike Srpske i može da postupa pred svim sudovima u Republici Srpskoj. U ostvarivanju svojih funkcija Republičko tužilaštvo postupa u žalbenim postupcima pred Vrhovnim sudom RS, te učestvuje u postupku po vanrednom pravnom lijeku (zahtjev za zaštitu zakonitosti). Republičko tužilaštvo nadzire rad okružnih tužilaštava, u kom smislu glavni republički tužilac može donositi opća ili pojedinačna obavezna uputstva, kao što može sprovesti istrage i preduzimati gonjenje pred osnovnim i okružnim sudovima u RS. Osim toga ovo tužilaštvo odlučuje o prenošenju mjesne nadležnosti i rješava sukobe nadležnosti između okružnih tužilaštava, te obavlja druge poslove utvrđene Zakonom o tužilaštvima Republike Srpske i drugim zakonima.